




53249

I

Mag. St. Dr.

P

Humorowski Stanisław: Conclusiones logicæ.



CONCLUSIO- NES LOGICÆ.

7 N

Alma Vniuersitate Cracouiensi

A Generoso

STANISLAO KOMOROWSKI,

Cursus Philosophici Auditore,

Publico certamini

PROPOSITÆ.

Presidente Admodū Rndo & Excellenti Domino,

D ALBERTO PAPENKOWICZ

Collega Maiore, Canonico S. Annæ,

Cursus Philosophici Vladislauiani Professore.



Permissu

MAGNIFICI DOMINI

R E C T O R I S.


Anno recuperatæ per Christum salutis, 1647.

Mense. Septembri. Die 28 Hora. 9.

CRACOVIÆ, Apud Lucam Kupisz, S. R. M. Typogr.

1647-1-8

IN STEMMA ILLVSTRISSIMÆ DOMVS.



53249-

HYEYCIA Serrpens cur cum cruce Stirpe coruscet,
Curq; sub his fulget pulchra corona? petis.
Hac Regina Domo quoniam prudentia regnat,
Atq; Reginam pulchra corona tegit.

tur
rin
Et u
acu
Sci
te T
tur
gre
pen
sue
fig
iure
fi a
San
ant

Perillustri & Admodum Reuerendo Domino,

D. A L B E R T O
W E Z Y K.

Ecclesiæ Cathedralis Gnesnensis

DECANO,

Custodi Cracouiensi, Præposito Louiciensi,

Abbatix Tynecensis Coadiutori

S. R. M. SECRETARIO, &c. &c.

Domino & Patrono fauentissimo.



VOD inter difficiles viarum flexus, & varios inexpediti itineris circuitus oberrantibus vsuuenire solet Perillustri & Admodum Reuerende Domine, idem mihi post superatos in atterendus Logicæ Senticetis anfractus in extremo hoc biennalis laboris mei agone video euenire. Herculeo illi adnitantur necesse est robore, aut si operi concedere nolint, inuiosq; experiri Saltus, amicam alterius opem accommodatâ implorent voce. Dum & ego studij Academici amenitate illæctus, in horto Philosophico spiritus implicatum oberro sepimentum, quod faciliores nodorum aculeos exuperem, Tuum mihi fauorabilem Gentilitij serpentis supplex imprecor ductum. Scilicet quos sine duce Gordiorum nodos atrectare exhorui, eos nunc manducente serpente Tuo in cōmuni omnium corona perlustrare audebo. Quod si enim salebrosa hæc nec immaturis calcanda ingenij via, his tantum pateat, qui exanthlato orbis flexuosi cursu in egressus limine coronæ propositum sibi habent præmium, mihi quoq; felicibus præcuntis Serpentis Tui insistenti vestigijs quid aliud sinuosus eiusdem cursus nisi hereditarium coronæ suæ præmium pollicetur. Et eo quidem gloriosius, quod vberiores ab hoc in virtutum fastigia & immortalia in Rempub: merita passus Tuæ Perillustri Familiæ velut hereditario iure debere Lechicus admiratur orbis. Quid enim, si ad Illustrissimorum Maiorum Tuorum, si ad præclara Tua gestorum facinora oculos conuertamus. Datum hoc Tuorum virtuti Sanguini & Fortune, vt in augusto Honorum positi fastigid Polonæ ad imitandum eluceant posteritati. Occultare hic non possum Illustrissimum Piæ memoriæ Patrum Tuum

Ioannem VVezyk Archiepiscopum Gnesnensem Primatem primumq; Regni Poloniae Principem, pleno semper meritorum & gloriae lumine in hoc polonici honoris amphitheatro Sere-
nissimo Regi, Patriæ & ciuibus relucentem. Cui Sarmaticus orbis (vt sine inuidiâ
cuiusquam dicam) nunquam inuenisset Parem, nî funesta mors inter ipsos triumphos occa-
sum accelerasset, promissaq; sibi ab Urbano VIII. Pontifice dignitatis Cardinalitiæ ex-
petitam omnium in eo eluisset expectationem. Ferres hunc in me errorem Perillustri
& Admodum Reuerende Domine, si æque virtutum Honorum & Meritorum translato
ad Te omni Patrimonio ac instrumento me quoq; transfero, & quidquid fuit Patruus in
Te Colo. Quid enim! Potestne vnquam Magnanimus Serpens Tuus, & qui Prudentiæ
apud literatam eruditionem in omni antiquitate præstat symbolum in assequendis Patru
sui nun impiger vestigijs, inglorius latere? cui VLADISLAI IV. curia amplissimum
satis extitit meritorum theatrum. Nouit vterq; Senatus, quantæ ille virtutis semper fu-
erit, dum in Reipub. salute defendenda, sago togâq; celebris felicem cursum gloriosissimè
continuaret, & vel eam labantem confirmaret, vel confirmatam magnificentius expoliret.
Quin & religiosissimus D. Benedicti ordo, ad cuius sacrosanctatuenda iura, sacrosq; san-
ctè viuendi promouendos ritus coaptatus es in perennibus suis trophæis Tuum hunc mul-
tis onustum laureis venerabitur Serpentem: Ergo quid amplius est quod infans hic mea
desideret lucubratio, tantum Gentilitium VVezycianæ Domus conspicata decus? Spon-
det illi triumphalis Serpens, multis gloriae onustus ornamentis, non inglorium ex Aca-
demico vireto regressum. Adpromittit generosus eiusdem præcursor omnes non difficile, felici
suo ductu euitandas sentes, ipsâ Rosarum superstite gloria. Quod si obtinuerit, erit pro-
fecto, vt & Tu Perillustri & Admodum Reuerende Domine, ijs quibus non mediocri-
ter auctus es, sapientiæ cumuleris ornamentis, & ego lassam biennali cursu mentem in
optatissimo Fauoris Tui reponam vt conquiescat sinu: Tenedicq; Tuæ conscius æquitatis
à Patrono amorem, à Præsule dignissimo gratiam, quam iure rependo exposcam. Viue
diu Perillustri Domine Ecclesie Dei, & Patriæ, meq; vna cum tenui hac lucubratio-
ne mea in Tuum propensissimum amorem beneuolus admitte.

Vestræ Perillustri & Admodū Rndæ Cellit.



Nepos ex Sorore

& Cliens in obsequia deuotissimus

STANISLAUS KOMOROWSKI,
In Alma Acad. Crac. Cursus Philosophici Auditor.

CONCLVSIONES LOGICÆ.

EX PROLEGVMENIS.

1.  Hilosophia in communi sumpta ad depellendas ignorantia tenebras homini data. Est rerum humanarum, Diuiinarumq; cognitio: siue Est cognitio rerum vt sunt.
2.  Rectè diuiditur in Rationalem, Naturalem, & Moralem: & aliam eius diuisionem in Speculatiuam & Practicam admittimus, cum sub diuisionibus speculatiuæ in Realem & Rationis, Practicæ in Actiuam & Factiuam. Rursus Actiua in Ethicam, Politicam & Oeconomicam. Factiua autem in artes liberales & Mechanicas diuisionem sortitur.
3. Philosophia rationalis quæ nuncupatur Logica artificialis, est simpliciter necessaria ad ceteras scientias acquirendas.
4. Illius diuisio in Docentem & Vtntem non importat habitus realiter distinctos, tamen quatenus est docens in illam quoad omnes suas partes cadit ratio propriæ scientiæ, quatenus verò est vtens, potius similitudine accedit, ad artem propriè dictam.
5. Logicæ docentis obiectum formale & adæquatum est Ens rationis, positium, id est, consequens operationes intellectus, quas operationes esse materiam Logicæ vtentis asserimus.
6. Ens rationis positium siue Logicum dicitur illud quod consequitur rem, estq; nonnisi obiectiuè in intellectu, non tamen absque fundamento in re veram autem existentiam ab intellectu emendicat, ac importat relationem rationis.
7. Ens rationis prædictum per speciem impressam entis Realis cognoscitur.

EX PRIMA LOGICÆ PARTE.

DE VNIVERSALIBVS.

8. **V**niuersale est vnum commune multis, tam vnitate quàm communitate formali positiuâ, quod præcisè sumptum propriè spectat ad Metaphysicum, quatenus autem dicit intentionem secundam Logicæ est considerationis.
9. Vniuersale proinde Logicum pro materiali est aliquid in re extra intellectum, pro formali verò acceptum in solo intellectu sedem habet.
10. Prædicabilitas est propria passio vniuersalis Logici, adæquatè in Genus, Speciem, Differentiam, Proprium & Accidens vniuocè diuisi.

DE GENERE.

11. **D**efinitio Generis à Porphyrio rectè traditur. Est id quod prædicatur de pluribus specie differentibus, in Quid, cuius definitum est secunda intentio in concreto; Conuenienter diuiditur in Generalissimum & Subalternum.
12. Genus vt est totum potentiale per nullam potentiam potest saluari in vnica specie, quatenus autem est vt totum actuale, non tantum in vna specie, sed quoque in vnico indiuiduo conseruari potest.
13. Genus vt est totum potentiale, prædicatur de suis inferioribus.
14. Non prædicatur per se differentia prædicatione formali & perfectitate Logicâ, sed prædicatione identicâ.

DE SPECIE.

15. **D**efinitio Speciei rectè traditur. Est id, quod prædicatur de pluribus numero differentibus in Quid.
16. Species Logica non ex ratione subijcibilitatis, sed prædicabilitatis seu relationis ad indiuidua formaliter constituitur.

17. Speci

17. Species primointentionaliter accepta tam secundum essentiam, quam potestatem in vnico indiuiduo conseruari potest.

DE INDIVIDVO.

18. **I**ndiuiduum cum de vno tantum prædicetur vniuersalium ordinem non intrat.
19. Prædicari de vno est tantum propria passio Iniduidui determinati, essentia vero eiusdem est quod sit in vno.
20. Præter indiuiduum determinatum datur indiuiduum vagum habens modum vniuersalis prædicandi de multis.

DE DIFFERENTIA.

21. **D**ivisio Differentiæ in Communem, Propriam & Maxime propriam est Analoga.
22. Differentiæ definitio ista. Est quæ prædicatur de pluribus specie differētib; in quale Quid. Soli Differentiæ Subalternæ conuenit.
23. Sicut Differentiæ subalternæ prædicari de pluribus specie differētib; ita differentiæ vltimæ competit prædicari de pluribus numero differētib; in ordine. ad quæ formaliter vniuersalis dicitur.

DE PROPRIO.

24. **S**olum Proprium 4to modo sumptum constituit quartum vniuersale, definiturq; sic: Proprium est quod conuenit omni, soli & semper.
25. Proprium est vniuersale in ordine ad indiuidua & non ad speciē.
26. Propriū primo intentionaliter distinguitur realiter à suo subiecto, an verò à subiecto per Diuinam potentiam separari possit, est alterius scientiæ determinare.

DE ACCIDENTE.

27. Accidens à Porphyrio rectè definitur sic. Est quod adest & abest sine subiecti Corruptione.
28. Omne

28. Omne accidens, sumptum pro aptitudine radicali habet suum proprium subiectum.
29. Posse inhaerere subiecto est de essentia Accidentis estq; duplex Separabile & inseparabile.

DE ANTEPRÆDICAMENTIS.

30. **D**efinitiones Equiuocorum, vniuocorum, & Denominatiuorum optimè sunt à Philosopho traditæ.
31. Dantur Analogæ quæ nec purè vniuocæ nec æquiuiocæ dicuntur.
32. Duas diuisiones totidem & regulas Antepredicamentales amplectimur.

DE PRÆDICAMENTIS.

33. **P**rædicamentum est quidditatiuorum prædicatorum, quatenus substant intentionibus Generis, Speciei & Differentiæ coordinatio.
34. Decem sunt & non plura nec pauciora prædicamenta.
35. Nihil vniuocum habent supra se.
36. Substantia dicitur Ens quasi habens esse, Accidentia verò denominantur Entia, quia sunt eius vel dispositiones, vel mensuræ vel passiones.

DE SUBSTANTIA.

37. **R**atio Formalis constitutiua Substantiæ, quatenus ex decem generibus est vnum membrum diuidens Ens reale finit, optimè explicatur per esse per se.
38. Substantiæ prædicatorum coordinatio in primam & secundam Analogicè diuiditur.
39. Substantiæ proprietates sex à Philosopho assignantur, tamen ista esse susceptiuam contrariorum, peculiariter est dicenda proprietas.

DE QVA

1415. 12.

DE QUANTITATE.

40. **R**atio formalis Quantitatis est, forma accidentalis, cuius effectus est substantiæ extensio in ordine ad se quod est habere partem extra partem.
41. Diuisibilitas & Mensura nonnisi radicaliter accepta explicant rationem formalem Quantitatis.
42. Quantitas quatenus est Genus summum prædicamentale vniocce diuiditur in Continuum & Discretam, quæ diuisio est in differentias, quarum prior magnitudinem, posterior multitudinem constituit.
43. Quantitatis continuæ Metaphysicè acceptæ tres tantum sunt species linea, Superficies & Corpus, Logicè autem sumptæ accedunt Locus & Tempus.
44. Numerus & Oratio sunt species Quantitatis discretæ.
45. Tres proprietates Quantitatis conuenienter à Philosopho assignantur.

DE RELATIONE.

46. **R**elatio prædicamentalis est Ens reale, quod secundum rationem suam formalem non ponit aliquid in subiecto, sed solum quod ad aliud referatur, in quo conuenit cum relationibus rationis.
47. Relatio realis necessariò requirit reale subiectum, fundamentum & terminum.
48. Tria sunt fundamenta Relationum proxima vnitas & numerus, Actio & Passio, Mensura & Mensurabile; remotum autem fundamentum potest esse quodlibet genus Entis.
49. Omnis Relatio Realis in rebus creatis distinguitur realiter formaliter à suo fundamento.
50. Relationis proprietates quinque sufficienter à Philosopho recensentur.

DE QUALITATE.

51. **Q**ualitas rectè describitur per suum actum, qui est facere subiectum quale.
52. Ratio formalis constitutiva qualitatis est dispositio substantiæ, seu determinatio potentiæ subiecti.
53. Qualitas vniuocè diuiditur in habitum & dispositionem, Naturalem Potentiam & Impotentiam, Passionem & Passibilem Qualitatem, Formam & Figutam.
54. Habitus & Dispositio essentialiter differunt, si dispositio accipiat, quatenus illi competit esse mobilem ex causis mutabilibus.
55. Naturalis potentia & impotentia, Passio & Passibilis qualitas, Forma & Figura accidentaliter tantum inter se distinguuntur.
56. Tres sunt Qualitatis proprietates.

DE VLTIMIS SEX PRÆDICAMENTIS.

57. **R**eliqua sex prædicamenta licet deficient, à perfectione Entitatis, quæ est in prædicamentis superioribus, non tamen sunt extrinsecæ denominationes substantiæ, sed sunt formæ quædam intrinsecæ relictæ in subiecto, quas concomitatur respectus.
58. Actio & Passio sunt prædicamenta formaliter distincta, Actio pro formali dicitur quædam forma accidentalis, quæ mediante dicitur aliqua res agere seu producere suum effectum, cum aliquo influxu, passio verò pro formali est quædam forma accidentalis, secundum quam patiens est receptiuum motus ab agente.
59. Vbi formaliter dicit proportionem locati ad locum.
60. Quando est prædicamentum importans formam accidentalem in rebus ex mensuratione temporis relictam.
61. Prædicamentum situs pro formali importat dispositionem partium in ordine ad locum.
62. Prædicamentum Habitus dicit formaliter corporum, & eorum quæ circa corpus sunt adiacentiam.

DE POSTPRÆDICAMENTIS.

63. **O**ppositio inter terminos in complexos Analogicè diuiditur in Relatiuam, Contrariam Priuatiuam & Contradictoriam. Ex quibus Contradictoria est oppositio Maxima.
64. Iuxta doctrinam postprædicamentalem modi prioris, Simul, motus & Habere, sufficienter sunt à Philosopho assignati.

EX SECVNDA LOGICÆ PARTE.

DE NATVRA ORATIONIS.

65. **O**ratio in communi accepta rectè definitur sic. Est vox significatiua ad placitum, cuius pars separata aliquid significat.
66. Vnitatis essentialis orationis definitæ accipienda est ex ordine ad complexos conceptus, conceptuum complexio sub ratione affirmationis vel negationis unitatem orationis importat.
67. Oratio quatenus integratur ex vocibus Cathegorematicis adæquatè diuiditur in nomen & verbum tanquam in partes integrantes, quatenus autem Oratio dicitur totum essentielle in vocem & significationem diuiditur.
68. Oratio Sumpta pro toto Vniuersali rectè diuiditur & Analogicè in Enunciatiuam & non enunciatiuam. Oratio non enunciatiua subdiuitur in vocatiuam interrogatiuam, ad quas reducit dubitativa & conditionalis in imperatiuam & deprecatiuam ad quam optatiua reuocatur.

DE ENUNCIATIONE.

69. **E**nunciatio est oratio verum vel falsum significans quæ definitio descriptiua vocatur.

70. Enunciationis diuifio in affirmatiuam & negatiuam eft vniuoca: in Cathegoricam feu fimplicem & Coniunctam feu Hyporheticam eft Analoga: in veram & falſam, finitam & infinitam in Abſolutam & Modalem, ſecundum qualitatem propriè ſumptam in Neceſſariam Contingentem & Remotam ſiue Repugnantem eft diuifio ſecundum conditiones materiæ Enunciationis
71. Enunciationis ex collatione vnus ad aliam tantum ſunt tres proprietates nimirum oppoſitio. Æquipollentia & conuerſio, ratione vero terminorum ſunt quinque; Suppoſitio Ampliatio Reſtrictio Alienatio & Appellatio
72. Proprietates oppoſitionum ſunt quatuor, Contradiſtorja, Contraria, ſubalterna & ſubcontraria.
73. Ex contradiſtorijs enunciationibus ſingulis, ibus de futuro contingenti ad vtrumlibet non eſt neceſſe vnā eſſe determinatè veram, & alteram determinatè falſam.

EX TERTIA LOGICÆ P A R T E.

DE DISCVRSV INCOMMUNI.

74. **D**iſcurſus in communi eſt motus ſeu progreſſus intellectus humani ex vno noto in alterius ignoti cognitionem.
75. Non eſt vnus actus intellectus ſimplex, conuenienter autem argumentatio Vocatur.
76. Argumentationis diuifio in Syllogiſmum, Enthymema, Inductionem & Exemplum. eſt Analoga.
77. Syllogiſmus rectè definitur ſic. Eſt oratio in qua quibusdam poſitis aliud quiddam diuerſum ab his quæ poſita ſunt neceſſario efficitur eò quòd hæc ſunt. Cuius diuifio in Perfectum & Imperfectum dicitur accidentalis.
78. Tam præmiſſæ inferentes quam conclusio illata ſunt de eſſentia Syllogiſmi.

79. Tan-

79. Tantum sunt tres Syllogismi Figurae, quarta autem Galen
tanquam inutilis non est admittenda.

DE SYLLOGISMO DEMONSTRATIVO.

80. **O**mnis doctrina & disciplina intellectiva, seu discursiva fit
ex praeexistenti cognitione.
81. Tantum sunt duae Praecognitiones, An sit & Quid sit. Tria verò
praecognita, videlicet subiectum, Passio, & Principia.
82. Duae definitiones Demonstrationis rectè sunt assignatae, Prima
Est Syllogismus faciens scire. Secunda Est Syllogismus proce-
dens ex veris Primis & immediatis, tum ex prioribus, noti-
oribus, & causis Conclusionis.
83. Demonstratio est duplex Propter Quid & Quia est Demon-
stratio propter quid debet constare ex praemissis veris primis
& immediatis, tum ex prioribus notioribus & causis Con-
clusionis.
84. Demonstrationis propter Quid seu potissimae medium est de-
finitio subiecti, siue minoris extremi.
85. Scientia est habitus intellectualis potentiae, cuius vnitas acci-
pienda est ex obiecti formalis ratione Sub qua.
86. Cognitio per causam explicat differentiam scientiae, quae in
subalternantem & subalternatam diuiditur.
87. Scientia subalternata sine subalternante acquisita est verè sci-
entia: licet statum non habeat perfectum.
88. Scientia ab opinione, Solertia, fide, & Intelligentia essentia-
liter distinguitur.
89. Virtus illa per quam cognoscimus prima principia est quidam
habitus existens in intellectu, & non est ipse intellectus.
90. Habitus Principiorum non est simpliciter à natura inditus Poten-
tiae Intellectivae, sed partim fit à natura partim acquiritur, Col-
lacus tamen cum alijs habitibus est simpliciter à natura inditus.

DE SYLLOGISMO TOPICO & SO-
PHISTICO.

91. **D**octrina de Syllogismo Topico recte est ab Aristotele tradita cui ex probabilibus concludere formaliter competit.
92. Syllogismi Topici propria passio est generare opinionem seu probabilitatem ex locis prouenientem.
93. Diuisio problematis in Definitionem Proprium, Genus & Accidens est adæquata.
94. Præter Syllogismum Demonstratiuum & Topicum datur Sophisticus ab illis formaliter distinctus.
95. Syllogismus Sophisticus ex materia apparenter vera ad quam est Contractus deceptionem colligit.
96. Syllogismus seu Elenchus Sophisticus, tam ex parte vocis iuxta sex locos in dictione, quam ex parte rei secundum septem locos extra dictionem causam suæ apparentiæ assumit.





Sub felicibus auspicijs,

Magnifici & Adm: Reuerēdi Dni,

M. IACOBI VITELLII,
S. Theol. Doctoris & Professoris,
Decani Ecclesiæ Collegiatæ S. Floriani, Pro-
uisoris Nouodworsciani, Almæ Vniuer-
sitatis Cracouiens: Generalis vigilan-
tissimiq; R E C T O R I S.





11115 32.



Biblioteka Jagiellońska

sldr0017511

